



REPUBLIKA E KOSOVËS
REPUBLIKA KOSOVA - REPUBLIC OF KOSOVO
GJYKATA SUPREME E KOSOVËS
VRHOVNI SUD KOSOVA - SUPREME COURT OF KOSOVO

- Për: **Këshillin Gjyqësor të Kosovës (KGjK)**
-
- Nga: **Gjykata Supreme e Republikës së Kosovës**
-
- Datë: **20 tetor 2023**
 - Lënda: **RAPORT NARRATIV PËR PUNËN E GJYKATËS SUPREME TË KOSOVËS PËR PERIUDHËN 1 korrik – 30 shtator 2023**
-

Gjykata Supreme e Kosovës në tremujorin e tretë të vitit 2023 ka përfunduar 546 lëndë, derisa të pakryera rezultojnë 199 sosh.

Nga 745 lëndë në punë gjatë periudhës raportuese, janë pranuar 479 lëndë të reja.


Muaji tetor e ka gjetur Gjykatën Supreme me 199 lëndë të pakryera, në të cilat, numrin më të madh e përbëjnë revizionet - R - me 99 lëndë të pakryera, pasuar nga kërkesat për mbrojtje të ligjshmërisë - PML me 58 sosh dhe Kërkesat për Rishqyrtim të Jashtëzakonshëm Administrativ - ARJ me 21 lëndë të pakryera.

Në këtë numër përfshihen edhe 11 revizione ekonomike - E.Rev., 6 kërkesa të pakryera për zbutje të jashtëzakonshme të dënimit - PZD, 2 kërkesë për mbrojtje të ligjshmërisë

civile - CML, 1 kërkesë për mbrojtje të ligjshmërisë administrative - AML dhe 1 ankesë penale për shkallën e tretë -PA.

Shkalla e efikasitetit në zgjidhje të lëndëve 113.98 për qind

Numri i lëndëve të pranuar në raport me numrin e lëndëve të kryera, në këtë tre mujor, i kalkuluar në përqindje, jep këtë pasqyrë në grafikun:




1. Numri i lëndëve të pranuar dhe atyre të kryera

Ndërkaq, shkalla e efikasitetit në zgjidhje të lëndëve, e kalkuluar në përqindje, është 113.98 për qind, duke llogaritur numrin e lëndëve të pranuar dhe atyre të zgjidhura, gjatë periudhës raportuese.

Krahasuar me tremujorin e dytë të vitit 2023, shkalla e efikasitetin në përfundimin e lëndëve është rritur nga 88.75 për qind, sa ishte në periudhën prill-qershor, në 113.98 për qind në këtë periudhë raportuese.

Në tabelën më poshtë, janë listuar lëndët e zgjidhura gjatë kësaj periudhe, që përfshijnë, 213 kërkesa për mbrojtje të ligjshmërisë - PML, 147 revizione Rev., 79 kërkesa për rishqyrtim të jashtëzakonshëm administrativ-ARJ, 55 kërkesa për zbutje të jashtëzakonshëm të dënimit - PZD, , etj..



2.Lëndët e kryera, sipas kërkesave të pranuara

Gjatë tremujorit të tretë të vitit 2023, Gjykata Supreme ka përfunduar edhe;

23 ankesa administrative - AA

9 lëndë, civile të ndryshme - CN

5 kërkesa për mbrojtje të ligjshmërisë civile - CML

4 revizione ekonomike - E.Rev.

4 ankesa për paraburgime - PN.II

3 kërkesa Administrative të ndryshme - AN

2 kërkesa për mbrojtje të ligjshmërisë kundërvajtje - KML

2 revizione administrative A.Rev.

Seancat e përgjithshme të Gjykatës Supreme

Në tremujorin e tretë, nën drejtimin e kryetarit të Gjykatës Supreme, Fejzullah Rexhepi është mbajtur një Seancë e Përgjithshme e të gjithë gjyqtarëve të gjykatës, përfshirë edhe gjyqtarët e Dhomës së Posaçme.

Në këtë seancë, është miratuar Plani i Punës së Gjykatës Supreme, për gjashtëmujorin e dytë të vitit 2023 si dhe Qëndrimi Parimor lidhur me kontestet e punës.



3. Seanca e Përgjithshme e të gjithë gjyqtarëve të Gjykatës Supreme, korrik 2023

Takimi i Asamblesë së kryetarëve të gjykatave dhe gjyqtarëve Mbikëqyrës

Gjatë tremujorit të tretë, përkatësisht në javën e parë të shtatorit, Asambleja e Kryetarëve të Gjykatave dhe Gjyqtarëve Mbikëqyrës nën udhëheqjen e Kryesuesit të Asamblesë, njëherësh Kryetarit të Gjykatës Supreme, Fejzullah Rexhepi, ka mbajtur takim të radhës. Në këtë takim, është diskutuar lidhur me inspektimin e përgjithshëm të punës së administratës dhe të gjeturat në Rregulloren për Organizimin dhe Veprimtarinë e Brendshme të Gjykatave të Republikës së Kosovës, me ç'rast Këshillin Gjyqësor të Kosovës (KGJK) i është rekomanduar, të hartojë një plan të veprimit për inspektimin e përgjithshëm të mënyrës së funksionimit të administratës gjyqësore dhe identifikimin e problematikave që kërkojnë adresim nga KGJK apo gjykatat. Po ashtu, Asambleja rekomandoi që të bëhet një planifikim i trajnimeve në mes të KGJK-së, përkatësisht Komisionit për Trajnime, Akademisë së Drejtësisë dhe gjykatave, për gjyqtarët dhe përfshirjen e trajnimeve për administratën gjyqësore si dhe të ndryshohet Rregullorja për Trajnimin e Gjyqtarëve dhe Administratës Gjyqësore;

Anëtarët diskutuan lidhur me çështjen e zbatimit të plotësim/ndryshimit të Ligjit Nr. 04/L-139 për Procedurën Përmbartimore i ndryshuar dhe plotësuar me Ligjin Nr.05/L-118, me ç'rast u dakorduan që në çështjet të cilat janë në procedim në gjykata lidhur me kompensimin e të ardhurave me përmbartimin e vendimeve për kompensimin e të ardhurave, të vazhdohet të trajtohen nga gjykatat. Ndërsa, në rastet kur ka kërkesë nga kreditorët, që çështja të kalojë te përmbartuesi privat, nëse nuk është lejuar përmbartimi, çështjet të kalojnë te përmbartuesi privat, sipas kërkesës së kreditorit;

Gjatë këtij takimi, është diskutuar edhe prioritizimin e lëndëve penale për rastet me precedent penal dhe i është rekomanduar KGJK-së që të përfshihen çështje me prioritet sipas Planit Strategjik për Përmirësimin e Qasjes në Drejtësi 2022-2025, me qëllim të rritjes së efikasitetit dhe nivelit të besimit të qytetarëve në sistemin e drejtësisë.

Anëtarët e Asamblesë kanë miratuar planet e veprimit për Drejtësi Procedurale, për degët e Gjykatës Themelore në Prishtinë: dega në Lipjan, Graçanicë, Gllogoc dhe Podujevë, të mbështetura nga Projekti i USAID-it për Drejtësi, me qëllim që të vazhdohet edhe më tutje me implementimin e aktiviteteve të parapara me këto plane.

Punëtori

Gjyqtarët e Gjykatës Supreme dhe ata të Gjykatës Kushtetuese të Republikës së Kosovës, në kuadër të organizimit të punëtorive të përbashkëta profesionale, gjatë muajit korrik kanë marrë pjesë në punëtorinë e radhës, të organizuar me përkrahjen e Fondacionit gjerman për bashkëpunim ligjor ndërkombëtar (IRZ), e cila u mbajt në Selanik, më 18 - 19 korrik 2023.

Gjatë kësaj punëtorie nga pjesëmarrësit u trajtuan temat: “E drejta në vendim të arsyetuar”, “E drejta për liri dhe siguri - rastet e paraburgimit” dhe “E drejta në vendim të arsyetuar”.



4. Foto nga punëtorja mes Gjykatës Supreme dhe asaj Kushtetuese

Tema tjera diskutimi në këtë punëtori ishin edhe çështja e zbatimit të vendimeve të gjyqësorit të rregullt dhe të Gjykatës Kushtetuese të Kosovës, shkëmbimi i informatave relevante me gjyqësorin e rregullt lidhur me rastet në trajtim në Gjykatën Kushtetuese, si dhe mundësitë e thellimit të bashkëpunimit reciprok në funksion të lehtësimit të procedurave administrative gjyqësore për palët parashtruese.

Punëtori e gjyqtarëve të Gjykatës Supreme me mbështetje të WBROLI

Në fund të muajit shtator, gjyqtarët e Gjykatës Supreme kanë marrë pjesë në punëtorinë e organizuar me mbështetjen e projektit Iniciativa për Sundimin e Ligjit në Ballkanin Perëndimor (WBROLI), ku ka prezantuar Michael Hopmeier, gjyqtar i lartë në Gjykatën Mbretërore në Southwark të Londrës, i cili është i specializuar në rastet e krimit të rëndë ekonomik dhe rikuperimit të aseteve (konfiskimi i të ardhurave nga krimi) si dhe është prezantuar Analiza për Ecurinë e Rasteve, e realizuar nga WBROLI-i. Të pranishmit kanë diskutuar për legjislacionin aktual, politikat që ndikojnë në luftën kundër krimit të organizuar si dhe për praktikat dhe sfidat e gjyqësorit në trajtimin e këtyre rasteve. Po ashtu, janë diskutuar kërkesat për dhënie të mendimeve juridike të paraqitura në Gjykatën Supreme.



5. Foto nga punëtorja e gjyqtarëve të Gjykatës Supreme, e organizuar me mbështetjen e projektit WBROLI

Tryezë e përbashkët diskutimi e Gjykatës Supreme dhe KGJK-së lidhur me reduktimin e lëndëve të vjetra

Gjatë muajit shtator, Këshilli Gjyqësor i Kosovës (KGJK) në bashkëpunim me Gjykatën Supreme, me mbështetjen e Projektit të USAID për Drejtësi, ka organizuar tryezë diskutimi lidhur me reduktimin e lëndëve të vjetra përmes zbatimit të Strategjisë për Përmirësimin e Qasjes në Drejtësi 2022-2025. Tryeza kishte në fokus të diskutimit shqyrtimin e çështjeve të gjyqësorit, si: Prezantimi i Raportit mbi ngarkesën e gjykatave me lëndë civile; Modalitetet për efikasitetin e gjykatave lidhur me zbatimin e Strategjisë për Përmirësimin e Qasjes në Drejtësi 2022-2025 - Praktikave aktuale të gjykatave; Roli i gjykatave në zbatimin e Strategjisë për Përmirësimin e Qasjes në Drejtësi 2022-2025.



6. Foto nga mbajtja e tryezës mes Gjykatës Supreme dhe KGJK-së

Takimet dhe vizitat

Gjatë tremujorit të tretë të vitit 2023, kryetari i Gjykatës Supreme të Kosovës, Fejzullah Rexhepi ka zhvilluar një varg takimesh dhe vizitash me rëndësi.

Krerët e sistemit gjyqësor dhe atij prokuroorial gjatë muajit shtator kanë vizituar institucionet e drejtësisë në Mitrovicë, ku kanë diskutuar lidhur me adresimin e sfidave me të cilat ballafaqohen këto institucione pas dorëheqjeve të gjyqtarëve dhe prokurorëve nga radhët e komunitetit serb.



7.Foto nga takimi i krerët të sistemit të drejtësisë në Mitrovicë

Takim me kryetarin e Gjykatës së Lartë të Shqipërisë, Sokol Sadushi

Gjatë muajit shtator, Kryetari i Gjykatës Supreme të Kosovës, Fejzullah Rexhepi dhe Kryesuesi i Këshillit Gjyqësor të Kosovës (KGJK), Albert Zogaj, kanë pritur në takim Kryetarin e Gjykatës së Lartë të Shqipërisë, Sokol Sadushi.

Gjatë takimit lidhur me bashkëpunimin ndër-institucional në mes të Gjykatës së Lartë të Shqipërisë dhe Gjykatës Supreme të Kosovës, u diskutua rreth shkëmbimit të përvojave në mes të sistemeve gjyqësore të të dyja vendeve, veçanërisht lidhur me praktikat gjyqësore për çështje të ndryshme duke përfshirë edhe ato lidhur me zbatimin e vendimeve të Gjykatës Evropiane për të Drejtat e Njeriut.



8. Foto nga takimi me kryetarin e Gjykatës së lartë të Shqipërisë, Sokol Sadushi

Takim me drejtoreshën ekzekutive të Institutit CEELI, Quinn O'Keefe

Kryetari i Gjykatës Supreme, Fejzullah Rexhepi ka takuar drejtoreshën ekzekutive të Institutit CEELI, Quinn O'Keefe, me të cilën ka diskutuar lidhur me organizimin e Konferencës vjetore të Kryetarëve të gjykatave supreme të Evropës Qendrore dhe Lindore, e cila pritet të organizohet nga Gjykata Supreme e Kosovës, në qershor të vitit të ardhshëm.

Kjo konferencë pritet të mbledh rreth vetes krerët e sistemit të drejtësisë nga rreth njëzet vende të Evropës Qendrore dhe asaj Lindore, të cilët do të diskutojnë çështje me rëndësi për pavarësinë dhe integritetin e gjyqësorit, sundimin e ligjit dhe çështje tjera me interes për të gjitha vendet pjesëmarrëse.

Kryetari Rexhepi vlerësoi rëndësinë që do ta ketë për Kosovën mbajtja e një konference të tillë, derisa O'Keefe, shprehu gatishmërinë që Instituti CEELI të mbështes Gjykatën Supreme në organizimin e kësaj ngjarjeje.



9. Foto nga takimi me drejtoreshën ekzekutive të Institutit CEELI, Quinn O'Keefe

Takim me drejtuesin e ekipit të projektit rajonal (WBROLI) Christopher Marshall

Kryetari i Gjykatës Supreme, Fejzullah Rexhepi ka takuar drejtuesin e ekipit të projektit rajonal Iniciativa për Sundimin e Ligjit në Ballkanin Perëndimor (WBROLI) Christopher Marshall dhe menaxherin e këtij projekti, Blend Zyrapi, të cilët e njoftuan kryetarin lidhur me aktivitetet e këtij projekti dhe mundësitë e bashkëpunimit me Gjykatën Supreme.

Kryetari Rexhepi shprehu gatishmërinë për të zhvilluar aktivitetet e këtij projekti, që në fokus ka mbështetjen e institucioneve në parandalimin dhe luftimin e krimit të organizuar dhe korrupsionit.



10. Foto nga takimi me drejtuesin e ekipit të projektit rajonal WBROLI, Christopher Marshall

Puna e Komisionit Këshillëdhënës për Politikë Ndëshkimore

Kryetari i Gjykatës Supreme, Fejzullah Rexhepi ka takuar këshilltarin ligjor rezident në Ambasadën Amerikane, John C. Hanley, këshilltarët e lartë ligjorë, Benina Kusari dhe Etrur Maloku si dhe specialisten ligjore, Fitore Bajraktari me të cilët ka diskutuar lidhur me finalizimin e revidimit të Udhëzuesit për Politikë Ndëshkimore dhe çështje tjera lidhur me zbatimin e udhëzuesit.



11. Foto nga takimi me delegacionin nga Ambasada Amerikane në Prishtinë

Publikimi i vendimeve gjyqësore


Gjykata Supreme gjatë tremujorit të tretë të vitit 2023, ka publikuar 530 aktgjykime dhe aktvendime, prej tyre 334 vendime të Dhomës së Posaçme të Gjykatës Supreme.

Gjatë muajit korrik janë publikuar 193 vendime

Gjatë muajit gusht janë publikuar 148 vendime

Gjatë muajit shtator janë publikuar 189 vendime.

530 VENDIME TË PUBLIKUARA



Publikimi i vendimeve disiplinore të kryetarit të Gjykatës Supreme

Bazuar në Ligjin LIGJI Nr. 06/L – 057 për Përgjegjësinë Disiplinore të Gjyqtarëve dhe Prokurorëve, nenit 9, pika 1.2., kryetari i Gjykatës Supreme të Kosovës është kompetent, për të shqyrtuar ankesat e personave fizik dhe juridik, sa iu përket pretendimeve të tyre për shkelje disiplinore të kryetarëve të Gjykatave Themelore dhe Kryetarit të Gjykatës së Apelit. Po ashtu, kryetari i Gjykatës Supreme është kompetent për gjyqtarët e gjykatës që drejton.

Në këtë drejtim, gjatë tremujorit të tretë, bazuar në Ligjin nr. 06/L - 057 për Përgjegjësinë Disiplinore të Gjyqtarëve dhe Prokurorëve, janë pranuar tetë (7) ankesa të palëve, për gjashtë (6) prej tyre është vendosur¹, një (1) lëndë është në punë, derisa pesë (5) prej tyre janë publikuar.

¹ <https://supreme.gjyqesori-rks.org/vendimet-disiplinore/>

Vendimet e Kryetarit/Procedurat Disiplinore

2023
2022
2021

➔

Prej: Deri: Kërko sipas titullit apo fjalës kyçe

Data	Titulli	📄
13/06/2023	019. Vendim për refuzimin e ankesës V-14	📄
10/06/2023	020. Vendim për fuqizim të ankesës V-4	📄
26/07/2023	018. Vendim për fuqizim të ankesës B-11	📄
16/07/2023	012. Vendim për refuzimin e ankesës V-18	📄
14/07/2023	016. Vendim për refuzimin e ankesës B-4, S-4, S-1, F-50	📄
22/06/2023	017. Vendim për fuqizim të ankesës V-10	📄
20/06/2023	015. Vendim për refuzimin e ankesës V-18	📄
20/06/2023	014. Vendim për refuzimin e ankesës V-18	📄

Të fundit

Data: 16. 2023

UNDP e gatshme të mbledhëse Gjykatën Supreme

Data: 16. 2023

Mbledhja e Komisionit Konsultativ për Politikë ndërkufitare

Data: 9. 2023

Mbledhja e Përgjithshme e Gjykatës Supreme, miratohen tri Mendime Juridike

Data: 9. 2023

Kërkolet angazhim shtesë nga Dhoma e Posaçme e Gjykatës Supreme

Data: 1. 2023

Gjyqtari Shalla mban shëncë simulative me qytetarët e rinj

**RAPORT PËR PUNËN NË GJYKATËN SUPREME TË KOSOVËS NË PRISHTINË
PËR PERIUDHËN 1.07.2023 DERI MË 30.09.2023**

	Të pakryera	Të pranuar	Gjithsej në punë	Të kryera	Te pakryera
Ankesa penale për shkallën e tretë "PA"	0	1	1	0	1
Kërkesë për mbrojtjen e ligjshmërisë "PML"	74	197	271	213	58
Kërkesë për zbutje të dënimit "PZD"	12	49	61	55	6
Revizion "Rev" "Rev II"	104	142	246	147	99
Mbrojtje e ligjshmërisë "CML"	5	2	7	5	2
Përseritje e procedurës civile "CPP"	0	0	0	0	0
Civile të ndryshme "CN"	4	5	9	9	0
Revizione ekonomike "E.Rev"	6	9	15	4	11
Mbrojtje e ligjshmërisë "EML"	0	0	0	0	0
Përseritje e procedurës administrative "APP"	0	0	0	0	0
Mbrojtje e ligjshmërisë administrative "AML"	0	1	1	0	1
A.Rev.	0	2	2	2	0
ARJ	54	46	100	79	21
Ankesa administrative "AA"	6	17	23	23	0
Mbrojtje e ligjshmërisë kundervajtje "KML"	0	2	2	2	0
Ankesa për paraburgime "PN.II"	0	4	4	4	0
Penale Ndihme Juridike Nderkombetare "PNJD"	0	0	0	0	0
Administrative të ndryshme "AN"	1	2	3	3	0
Gjithsej	266	479	745	546	199



